



Radiotelevisiun
Svizra Rumantscha

Commentari

Magdalena Martullo-Blocher: la sorpresa

Gian Ramming, schefredactor RTR

Radio rumantsch

Eleccziun naziunalas 2015

18-10-2015

La surpraisa è perfecta, Magdalena Martullo-Blocher vegn a represchentar il Grischun a Berna, e la delegaziun da noss chantun ha danov duas commembras. Silva Semadeni, ch'è vegnida reelegida ed apunta Magdalena Martullo-Blocher.

Co declerar il success da la PPS ? Co declerar il resultat sensaziunal – ins na po betg dir auter – il resultat sensaziunal da Martullo-Blocher?

D'ina vart cun la deblezza dal center, numnadamain da la PBD. Senza Hassler, Parolini e Kollegger manchavan ils garants per vuschs dals onns passads.

Lura il resultat mediocher da la PLD. Quai lascha supponer ch'ils Grischuns na vesan betg pli la cumpetenzza econmica tar la PLD.

Il resultat dad oz muossa plitost che questa cumpetenzza è vegnida attribuida a Martullo-Blocher.

I n'è pero betg mo la deblezza dals auters ch'è responsabla per il success da la scheffa da las Ovras da Domat. Segir e franc ha la tematica dals fugitivs gidà la PPS. Quai mussan er ils resultats naziunals. Ma la PPS ha era manà ina campagna electorala, cun la quala ella è stada capabla da mobilisar ses elctorat al maximum. Ella è ida tar il pievel empè da far filmins sin Youtube.



Radiotelevisiun
Svizra Rumantscha

Tge facit ston ins far?

- Il pensar e la politica da la PPS ha ina basa bler pli gronda en il Grischun, che quai ch'ins crajeva.
- La lescha che persunas d'ordaifer n'han nagina schanza da vegnir elegidas en il Grischun, na vala betg pli. Quai è ina surpraisa, cunquai che tut las retschertgas avevan ditg il cuntrari.
- Sch'ils problems d'in chantun alpin vegnan en l'avegnir defendids tuttina bain a Berna sco fin ussa, pon ins metter en dumonda. Martullo Blocher sto l'emprim mussar ch'ella politisescha per il Grischun e betg per ils interess economics dad interpresas grondas.
- Ed a media vista : Igl è gartegià a la famiglia Blocher da metter la basa per ina dinastia politica. Sche Christoph Blocher na politisescha betg pli in bel di, lura maina la figlia vinavant l'ovra dal bab. Forsa era ina raschun per il bun resultat da Magdalena Martullo-Blocher.